

JAVNO PREDUZEĆE «VODOVOD I KANALIZACIJA» d.o.o.

ZENICA

Direktor preduzeća

Broj: 101-208-1/25MS
Zenica, 14.01.2025. godine

Na osnovu člana 100. Zakona o javnim nabavkama ("Službeni glasnik BiH" broj: 39/14, 59/22 i 50/24), te u skladu sa čl. 26. i 27. Statuta Javnog preduzeća „Vodovod i kanalizacija“, postupajući u vezi sa Žalbom na Odluku o izboru najpovoljnijeg ponuđača, broj:101-6/25DžS od 06.01.2025.godine, koju je žalitelj „BIHEXO“ d.o.o. Sarajevo, dostavio ugovornom organu dana, 10.01.2025.godine, te koja je kod ugovornog organa evidentirana pod brojem:403-208/25,dana, 14.01.2025.godine, direktor Javnog preduzeća „Vodovod i kanalizacija“ d.o.o. Zenica donosi

R J E Š E N J E **o usvajanju žalbe**

I

Usvaja se Žalba ponuđača BIHEXO“ d.o.o. Sarajevo, dostavljena dana, 10.01.2024.godine i protokolisana kod ugovornog organa pod brojem: 403-208/25, izjavljena na Odluku o izboru najpovoljnijeg ponuđača, broj: 101-6/25 DžS, od 06.01.2025.g., donesena u postupku nabavke putem konkurentskog zahtjeva za nabavku reparaturnih obujmica, kao **osnovana u cjelosti**.

II

Ugovorni organ na osnovu ovog Rješenja stavlja van snage donesenu Odluku o izboru najpovoljnijeg ponuđača broj: 101-6/25 DžS, od 06.01.2025.g. kojom je, kao najbolje ocjenjen, izabran ponuđač VODOSKOK d.o.o. Tomislavgrad i poništava e-aukciju održanu dana 30.12.2024. godine, te će po konačnosti ovog Rješenja vratiti postupak u fazu ocjene ponuda i okončati ga u skladu sa odredbama Zakona o javnim nabavkama.

IV

Ovo Rješenje stupa na snagu danom donošenja i isto će biti objavljeno na web stranici ugovornog organa <http://www.vikze.ba/> i dostavljeno ponuđačima koji su učestvovali u predmetnoj javnoj nabavci.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 101-13845/24 BS od 29.11.2024. godine. Javna nabavka je provedena putem konkurentskog zahtjeva sa zaključivanjem okvirnog sporazuma na period od 24 mjeseca.

Procijenjena vrijednost javne nabavke bez uračunatog PDV-a je 49.000,00 KM.

Dana 03.12.2024.godine na Portalu javnih nabavki, istovremeno sa objavljivanjem Obavještenja o nabavci broj: 439-7-1-648-3-293/24 objavljena je i tenderska dokumentacija.

Rok za dostavljanje ponuda je bio 19.12.2024. godine do 11:00 sati, u kojem su roku kod ugovornog organa zaprimljene tri ponude u zatvorenoj kovrti, i to:

1. VODOSKOK d.o.o. Tomislavgrad
2. ASES TEAM d.o.o.
3. BIHEXO d.o.o. Sarajevo

Komisija za nabavku imenovana je Odlukom broj: 101-14266/24 AB od 04.12.2024.godine.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri),
- da su blagovremeno zaprimljeno 3 (tri) ponude,
- da nema neblagovremeno zaprimljenih ponuda,
- ukupno 8 (osam) ponuđača je preuzelo tendersku dokumentaciju sa Portala javnih nabavki.

Komisija za nabavku je dana 06.01.2025. godine direktoru preduzeća dostavila Zapisnik o ocjeni ponuda broj: 501- 4/25 DŽS od 06.01.2025. godine sa preporukom o izboru najpovoljnijeg ponuđača.

Ponuđač ASES TEAM d.o.o. je dostavio ponudu čija ukupna cijena prelazi procijenjenu vrijednost predmetne nabavke, zbog čega je ponuda ponuđača ASES TEAM d.o.o neprihvatljiva (član 2., stav 1., tačka 1., alineja 2. Zakona o javnim nabavkama BiH, „Sl. glasnik BiH, broj: 39/14, 59/22, 50/24), te se odbacuje u skladu sa članom 68., stav 4., tačka (i) Zakona o javnim nabavkama BiH („Sl. glasnik BiH“, broj: 39/14, 59/22, 50/24).

Uvidom u priloženu dokumentaciju postupka broj: 403-13845-1/24 BS od 03.12.2024. godine – nabavka reparaturnih obujmica, a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama (“Sl. glasnik BiH”, broj: 39/14, 59/22), i članu 17. Uputstva za pripremu modela tenderske dokumentacije i ponuda (“Sl. glasnik BiH”, broj: 90/14), nije našla osnovan razlog da izrazi sumnju da je cijena dostavljenih ponuda neprirodno niska.

Slijedom navedenog, ugovorni organ je ponuđačima koji su dostavili formalno-pravno ispravne i tehnički prihvatljive ponude, shodno odredbi čl.4. Pravilnika o načinu korištenja e-aukcije, zakazao e-aukciju za dan 30.12.2024. godine, u terminu od 09:00 sati.

Ponude ponuđača, prije početka e-aukcije su:

1. VODOSKOK d.o.o. Tomislavgrad, sa ukupnom cijenom ponude u iznosu od 48.929,42 KM bez PDV-a
 2. BIHEXO d.o.o. Sarajevo, sa ukupnom cijenom ponude u iznosu od 48.537,00 KM bez PDV-a
- E - aukcija je održana u zakazanom terminu.

U e-aukciji ponuđači su mijenjali iznose svojih ponuda.

Konačne ponude, nakon završetka postupka e-aukcije su:

1. VODOSKOK d.o.o. Tomislavgrad, sa ukupnom cijenom ponude u iznosu od 32.000,00 KM bez PDV-a
2. BIHEXO d.o.o. Sarajevo, sa ukupnom cijenom ponude u iznosu od 32.010,00 KM bez PDV-a

Polazeći od naprijed navedenih konstatacija, a shodno odredbama Zakona i opštim aktima ugovornog organa, Komisija je prema utvrđenom kriteriju „najniža cijena“ prihvatljivih ponuda/ponuđača, ocijenila kako slijedi:

1. VODOSKOK d.o.o. Tomislavgrad, sa ukupnom cijenom ponude u iznosu od 32.000,00 KM bez PDV-a
2. BIHEXO d.o.o. Sarajevo, sa ukupnom cijenom ponude u iznosu od 32.010,00 KM bez PDV-a

U postupku ocjene provedenog postupka direktor preduzeća je dana 06.01.2025.godine donio Odluku o izboru najpovoljnijeg ponuđača, broj: 101-6/25DŽS, kojom je ponuđač . VODOSKOK d.o.o. Tomislavgrad izabran kao najbolje ocijenjeni ponuđač.

Dana 08.01.2025.godine ponuđač BIHEXO d.o.o. Sarajevo izvršio je uvid u ponude nakon čega je, dana, 10.01.2025.godine izjavio je Žalbu na Odluku i izboru najpovoljnijeg ponuđača, broj: 101-6/25DŽS od 06.01.2025.godine. Žalbom se u konačnici traži da se ponuda dostavljena od strane “Vodoskok” d.o.o. Tomislavgrad odbaci jer sadrži nedostatke. Žalbenim navodima, koji se odnose na nedostatke, konstatovano je da je ponuđač “Vodoskok” d.o.o. Tomislavgrad na stranici 25/25 dostavio katalog u kojem ponudene reparaturne spojnice ne zadovoljavaju tražene tehničke specifikacije za

stavke 2.5. i 2.6. (ne ispunjavaju uslov o minimalnom radnom pritisku od 10 bara) i stavke 2.3. i 2.4. (ne zadovoljavaju traženi min. radni obuhvat naveden u Aneksu 2).

Ponovnim pregledom ponude dostavljene od strane ponuđača "Vodoskok" d.o.o. Tomislavgrad, utvrđeno je da su žalbeni navodi osnovani u cjelosti.

Uzimajući u obzir sve naprijed navedeno, odlučeno je kao u dispozitivu ovog Rješenja.

Pouka o pravnom lijeku: Protiv ovog Rješenja može se izjaviti žalba Uredu za razmatranje žalbi, putem ugovornog organa, u roku od deset dana od dana prijema Rješenja.

DOSTAVLJENO:

- 1 x Ponuđačima koji su učestvovali u predmetnoj nabavci
- 1 x Direktor
- 1 x Sekretar Komisije
- 1 x Članovima Komisije za JN
- 1 x Komercijalna služba
- 1 x web-stranici <http://www.vikze.ba/>
- 1 x Službi za kadrovske i opšte poslove
- 1 x Službeniku za javne nabavke
- 1 x a/a

 **DIREKTOR:**

Pašalić Emir, dipl.ing. građ.